



Broj: 16-12-16-7837- 38 /20  
I. Sarajevo, 10.06 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16), Izvještaja o toku i završetku e-aukcije Agencije za javne nabavke od 13.05.2021. godine na preporuku Komisije I za nabavke za potrebe Državne agencije za istrage i zaštitu u 2020. godini, broj 16-12-16-7837/20 od 07.06.2021. godine, u postupku javne nabavke usluga revizije tehničke dokumentacije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

### ODLUKU

o izboru najpovoljnijeg ponuđača po Konkurentskom zahtjevu za dostavljanje ponuda za javnu nabavku usluga revizije tehničke dokumentacije za potrebe Državne agencije za istrage i zaštitu

Prihvata se preporuka Komisije I za nabavke za potrebe Državne agencije za istrage i zaštitu u 2020. godini broj 16-12-16-7837/20 od 07.06.2021. godine i ugovor za javnu nabavku usluga revizije tehničke dokumentacije za potrebe Državne agencije za istrage i zaštitu dodjeljuje se:

- Ponuđaču “Plan” d.o.o. Banja Luka, ponuda broj 16-12-16-7837-14/20 od 13.01.2021. godine i 16-12-16-7837-33/20 od 20.04.2021. godine, za ponuđenu cijenu 1.971,00 KM bez PDV-a.

#### Član 2.

Ponuđač iz člana 1. ove odluke obavezan je ugovornom organu, u roku od pet dana od dana prijema ove odluke, dostaviti dokaze o ispunjavanju uslova iz tač. 3.1.1. i 3.1.3. Konkurentskog zahtjeva (original ili ovjerena kopija).

#### Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

#### Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

#### Član 5.

Ova odluka stupa na snagu danom donošenja.

## O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-7837-1/20 od 04.12.2020. godine godine pokrenut je postupak javne nabavke usluga revizije projektne dokumentacije-Glavnog projekta za izvođenje radova na izgradnji Baze za smještaj i obuku Jedinice za specijalnu podršku Agencije putem Konkurentskog zahtjeva, za koji su obavještenja o javnoj nabavci br. 1161-7-2-270-3-50/20 od 15.12.2020. godine, 1161-7-2-270-8-2/21 od 05.01.2021. godine, 1161-7-2-270-8-35/21 od 05.02.2021. godine i 1161-7-2-270-8-47/21 od 14.04.2021. godine objavljeni na Portalu Agencije za javne nabavke. Procijenjena vrijednost javne nabavke je 30.000,00 KM bez PDV-a, za što su novčana sredstva obezbjeđena u okviru budžetskih sredstava za 2020. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godine („Službeni glasnik BiH“, broj 46/20).

Za navedeni postupak javne nabavke predviđena je e-aukcija u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Državne agencije za istrage i zaštitu u 2020. godini (u daljem tekstu: Komisija) dostavila je Izvještaj o radu broj 16-12-16-7837/20 od 07.06.2021. godine sa preporukom o izboru najpovoljnijeg ponuđača u postupku javne nabavke usluga revizije tehničke dokumentacije.

Tačkom 6. Konkurentskog zahtjeva navedeno je da je rok za dostavljanje ponuda 22.04.2021. godine do 13,00 časova, te da se ponude dostavljaju u zatvorenoj koverti. Komisija je dana 22.04.2021. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene sljedeće ponude:

Redni broj	Naziv ponuđača	Vrijednost ponude (bez PDV-a)
1.	GP "GRADIP" a.d. Prnjavor	30.000,00KM
2.	"PLAN" d.o.o. Banja Luka	28.500,00 KM
3.	"ROUTING" d.o.o. Banja Luka	29.970,00KM
5.	"RADIS" d.o.o. Istočno Sarajevo	30.000,00 KM
4.	Institut za građevinarstvo "IG" d.o.o. Banja Luka	30.000,00 KM
6.	"GEOPUT " d.o.o. Banja Luka	30.000,00 KM

Komisija je nakon otvaranja ponuda na osnovu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja njihove prihvatljivosti u smislu Pravilnika, te kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da su prihvatljive ponude ponuđača "PLAN" d.o.o. Banja Luka, "ROUTING" d.o.o. Banja Luka, Institut za građevinarstvo "IG" d.o.o. Banja Luka i "GEOPUT " d.o.o. Banja Luka u pogledu lične



sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničke i profesionalne sposobnosti, te u pogledu formalno-pravnih uslova iz Konkurentskog zahtjeva, te da uživaju preferencijalni tretman domaćeg.

Takođe, Komisija je utvrdila da je ponuđač „RADIS“ d.o.o. Istočno Sarajevo dostavio ponudu sa traženom dokumentacijom, međutim u *Izjavi ponuđača* navedeno je da ponuda važi 90 dana računajući od isteka roka za prijem ponuda, tj. do 16.04.2021. godine. Naime, ponuđač „RADIS“ d.o.o. Istočno Sarajevo je dostavio ponudu broj 16-12-16-7837-24/20 od 15.01.2021. godine, međutim izvršen je povrat neotvorene ponude, odnosno predstavnik ponuđača je preuzeo dana 08.02.2021. godine neotvorenu ponudu u prostorijama Agencije. Uslijedile su Izmjene Konkurentskog zahtjeva, te je određen rok za prijem ponuda 12.02.2021. godine. Ponuđač „RADIS“ d.o.o. Istočno Sarajevo je dostavio ponudu broj 16-12-16-7837-24/20 od 09.02.2021. godine, međutim izvršen je povrat neotvorene ponude, odnosno predstavnik ponuđača je preuzeo dana 14.04.2021. godine neotvorenu ponudu u prostorijama Agencije, jer je uslijedila Izmjena Konkurentskog zahtjeva, te zakazano otvaranje ponuda za 22.04.2021. godine.

Izmjenama Konkurentskog zahtjeva za dostavljanje ponuda za nabavku usluga revizije tehničke dokumentacije broj 16-12-16-7837-31/20 od 14.04.2021. godine navodeno je u tački 5. (Priprema ponude) da „U skladu sa članom 9. stav (4) tačka h) i članom 13. Uputstva za pripremu modela tenderske dokumentacije i ponuda („Službeni glasnik BiH,“ br. 90/14 i 20/15) „Rok važenja ponude“, ponuđači čiji je rok važenja ponude istekao, dužni su do isteka roka za dostavu ponuda dostaviti dopunu ponude sa novom Izjavom ponuđača u kojoj je naveden rok važenja ponude koji ne može biti kraći od 90 dana od dana dostavljanja dopune ponude“.

Ponuda koja je dostavljena 20.04.2021. godine od strane ponuđača „RADIS“ d.o.o. Istočno Sarajevo sadrži *Izjavu ponuđača* od 18.12.2020. godine i u istoj je navedeno da ponuda važi do 16.04.2021. godine. I obrazac za cijenu ponude datira od 18.12.2020. godine. Ponuđač „RADIS“ d.o.o. Istočno Sarajevo propustio je da dostavi dopunu ponude sa novom Izjavom ponuđača.

Takođe, ponuđač GP "GRADIP" a.d. Prnjavor je dostavio ponudu sa traženom dokumentacijom dana 12.01.2021. godine, i u *Izjavi ponuđača* navedeno je da ponuda važi 90 dana računajući od isteka roka za prijem ponuda, tj. do 15.04.2021. godine. Obzirom da su uslijedile izmjene Konkurentskog zahtjeva, Agencija je e-mailom od 09.04.2021. godine poslala upit ponuđaču GP "GRADIP" a.d. Prnjavor da li žele povrat ranije dostavljene ponude ili će samo izvršiti dopunu ponude u skladu sa izmjenama roka za prijem i dostavljanje ponuda koji će biti objavljeni u sistemu elektronskih nabavki. Ponuđač GP "GRADIP" a.d. Prnjavor je 12.04.2021. godine obavjestio Agenciju putem e-maila da ostaje pri ponudi od 12.01.2021. godine, međutim navedeni ponuđač je propustio da dostavi dopunu ponude sa novom Izjavom ponuđača, odnosno da postupi po Izmjenama Konkurentskog zahtjeva za dostavljanje ponuda za nabavku usluga revizije tehničke dokumentacije broj 16-12-16-7837-31/20 od 14.04.2021. godine. Izjava navedenog ponuđača i obrazac za cijenu ponude datiraju od 11.01.2021 godine.

Imajući u vidu naprijed navedeno, obzirom da je važnost ponuda ponuđača „RADIS“ d.o.o. Istočno Sarajevo i ponuđača GP "GRADIP" a.d. Prnjavor istekla, odnosno da navedeni ponuđači nisu postupili po Izmjenama Konkurentskog zahtjeva za dostavljanje ponuda za nabavku usluga revizije tehničke dokumentacije broj 16-12-16-7837-31/20 od 14.04.2021. godine, objavljen na Portalu Agencije za javne nabavke 1161-7-2-270-8-47/21 od 14.04.2021. godine, Komisija ponude ponuđača „RADIS“ d.o.o. Istočno Sarajevo i GP "GRADIP" a.d. Prnjavor smatra neprihvatljivim.

Obzirom da je Konkurentskim zahtjevom predviđeno da se za postupak javne nabavke usluga revizije tehničke dokumentacije za potrebe Agencije provodi e-aukcija, Komisija je za prihvatljive ponude ponuđača "PLAN" d.o.o. Banja Luka, "ROUTING" d.o.o. Banja Luka, Institut za građevinarstvo "IG" d.o.o. Banja Luka i "GEOPUT" d.o.o. Banja Luka zakazala e-aukciju dana za dan 13.05.2020. godine sa početkom u 12,00 sati.

Prema Izvještaju o toku i završetku e-aukcije, konačna rang lista ponuđača koji su učestvovali u e-aukciji je sljedeća:

R.br.	Naziv ponuđača	Ponuđena cijena u KM (bez PDV-a)
1.	"PLAN" d.o.o. Banja Luka	1.971,00 KM
2.	Institut za građevinarstvo "IG" d.o.o. Banja Luka	2.000,00 KM
3.	"GEOPUT " d.o.o. Banja Luka	5.000,00 KM
4.	"ROUTING" d.o.o. Banja Luka	11.740,00 KM

Shodno Izvještaju o toku i završetku e-aukcije, odlučeno je da se ugovor za javnu nabavku usluga revizije tehničke dokumentacije za potrebe Agencije dodjeli ponuđaču "PLAN" d.o.o. Banja Luka, a kako je navedeno u članu 1. ove odluke.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 6x;
- Sektoru za mat.-fin. poslove;
- a/a.

DIREKTOR  
GLAVNI GENERALNI INSPEKTOR POLICIJE

Darko Culum

